



ZINEBI NETWORKING 2019 DEIALDIA: DOKUMENTALEN SORGUNEA II FORO PROFESIONAL DE CINE DOCUMENTAL DE BILBAO

ONARRIAK ETA BALDINTZA OROKORRAK

I. OHAR OROKORRAK

Aurreko edizioetan bezala, ZINEBIk eta Euskal Produktoreen Elkarteak (EPE-APV) euskal ikus-entzunezkoen sektorea eta talentua babesten eta bultzatzen jarraituko dute.

Bilboko Dokumentalen eta Film Laburren Nazioarteko Jaialdiak eta Euskal Produktoreen Elkarteak (EPE-APV) **ZINEBI NETWORKING 2019: dokumentalen sorgunea. II Foro Profesional de Cine Documental de Bilbao aurkeztuko dute Euskal Telebista (ETB), Eusko Jaularitza, Bizkaiko Foru Aldundia (BEAZ), Bilbao Ekintzarekin eta Europa Creativa Desk MEDIA Euskadi elkarlanarekin.** Proiektu honek euskal zinemaren sormen olatu berria bultzatu nahi du eta zinema berri honen ekoizpenaren aldeko apustua egin. Horretarako, gure helburua tokiko ikus-entzunezkoen egituraren dinamizazioan laguntzea da, zinemagintzaren arloko agente eta bertako zein nazioarteko instituzio desberdinen arteko elkarlana eta kooperazioa bultzatuz.

Proiektu dokumental sortzaile eta independenteak babesteko asmoz, Networking-a etorkizunean garapen artistiko eta profesionala lortzeko plataforma izan nahi du. Esperientzia, jakin-mina eta ardurak partekatu eta proiektu dokumental berriak garatzeko sinergiak sortuz.

ZINEBIren iritziz, aukera paregabea da gure gazte talentuek aholkularitza eskainiko dieten profesional eta adituekin harreman zuzena izan dezaten. Parte-hartzaileek hauen gomendioak eta aholkuak jasoko dituzte proiektuak

modu arrakastatsuenen garatu ahal izateko. Aholkularitza, hausnarketa eta sormena garatzeko gunea izango da ZINEBI NETWORKING 2019. Horretarako, ekitaldi honek belaunaldi berrien zinema ekoizpena bultzatzen duten zuzendariekin, ekoizleekin, instituzioekin eta sektoreko beste hainbat agenterekin aurrez-aurreko topaketa dinamika izango du.

Irabazleak 10.000 euroko saria eta aholkularitza profesionala jasoko du ikus-entzunezko proiektua egia bihurtu dadin.

Jaialdiaren Zuzendaritzak eta kanpo hautapen-batzorde batek aurkeztutako proiektu guztien artean zortzi (gehien jota) aukeratuko ditu. Hautapena egiteko, batzordeak ideia, proposamen estetikoak, bideragarritasuna eta proiektuek gauzatzeko dituzten aukerak kontuan hartuko ditu. Gainera, parte-hartzaileek sektoreko profesional baten babesak edukiko dute aurkezpen publikoa egin baino lehen, banakako tutoretza bat izango dutelarik.

II. BETE BEHARREKO BALDINTZAK

1. Networking-a ekoizle eta zuzendari euskaldunei zuzenduta dago (garapen fase aurreratuan edo ekoizpenean dauden dokumental luzeak).
2. Proiektu bakarra aurkeztu daiteke zuzendari bakoitzeko.
3. Ez da bukatuta dagoen dokumentalik onartuko.
4. Proposamenek orijinalak izan behar dute, hirugarrenei plagiatu edo usurpatu gabekoak.
5. Deialdi honetan parte hartu nahi dutenek [web formularioaren](#) bitartez izena emango dute, baldintza guztien onarpena adieraziz eta datu pertsonalak zehaztuz, NAN, jaiotze data eta posta elektronikoa, besteak beste.
6. Formularioa bete eta bidali ostean, eskatutako dokumentazioa info@epe-apv helbide elektronikora bidaliko da.

Bidali beharreko dokumentazioa PDF bakar batean bilduko da (*arekin markatutakoak derrigorrezkoak dira)

- Fitxa tekniko eta artistikoa *
- Intentzio-oharra*
- Proiektuaren azalpen-memoria *
- Gidoiaren sinopsia*
- Gidoia
- Proposamen estetikoa*
- Zuzendariaren biografia eta filmografia *
- Aurretik egindako lanen link-ak*
- Garapen fasea*
- Aurrekontua*
- Kronograma*
- Ekoizpen-plana

- Finantziazio-plana
 - Proiektuaren teaserra (egotekotan). Gomendagarria da gutxienez 5 minutuko teaserra duen esteka atxikitzea. Publikora irekita ez dagoen ikus-entzunezko materiala bakarrik hartuko da kontuan, hau da, pasahitz pribatua duten estekak.
7. Jaialdiak sektoreko profesionalak deituko ditu epai-mahaikide izateko. Hauek, zuzendari eta ekoizleen aholkulari bezala jardungo dute aurkezpenen ostean eta geroago egingo diren aurrez-aurreko bileretan. Epai-mahaiak azaroaren 15ean Arriaga Antzokian ospatuko den itxiera galan emango dio saria irabazleari. Epaitza apelaezina izango da.
 8. Parte-hartzaileek Networking programan antolatuko diren ekintza guztietan parte hartzeko betebeharra dute. Posible izango ez balitz, antolakuntzak beste proiektu bat gonbidatzeko eskubidea izango du.
 9. Parte-hartzaileek erakundeari proiektuari buruzko informazioa eta promozio-materialak emango dizkiote dagokion katalogoa, esku-programa, web orrialdea eta sare sozialetan erabiltzeko, eta hauen argitalpena onartzen dute.
 10. Sailkatutako proiektu guztiek amaierako kredituetan erakundeak emandako logoa sartuko dute, ZINEBI NETWORKING 2019: dokumentalen sorgunea. II FORO PROFESIONAL DE CINE DOCUMENTAL DE BILBAO ekintzan parte hartu dutela adieraziz.
 11. Proiektu irabazleak, horrela adieraziko du pelikula hasieran erakundeak emandako logoarekin eta konpromisoa hartzen du dokumentelaren estatu mailako estreinaldia etorkizuneko ZINEBIko ediziotan egiteko.
 12. ETB euskal talentua bultzatzeko helburuarekin, elkarlanean arituko da ZINEBI NETWORKING 2019 proiektuan. Proiektu irabazleak bere garapenerako 5.000 euro jasoko ditu ETBren aldetik. Honen truke, ekoizpena aurrera eramaten bada, ekoizleak, ZINEBIren bidez, lanaren 3 pase ETBri laga egitera konprometitzen da. Ordea, ekoizpena amaitzean, ekarpena handiagoa izan daiteke balorazio batzordeak horrela erabakitzen badu.
 13. ZINEBIk 10.000€-ko saria (zergak barne) proiektua erregistratuta daukan ekoizpen etxeari ordainduko dio.
 14. Izena emateko epea irailaren 17tik urriaren 14ra bitartean zabalik egongo da.